



**VIJEĆE MINISTARA
BOSNE I HERCEGOVINE**

958

Na osnovu člana 17. stav 2. i člana 72. tačka d) Zakona o hrani ("Službeni glasnik BiH", broj 50/04), i člana 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), Vijeće ministara Bosne i Hercegovine, na prijedlog Agencije za sigurnost hrane Bosne i Hercegovine, u saradnji s nadležnim organima entiteta i Brčko Distrikta Bosne i Hercegovine, na 10. sjednici održanoj 12. juna 2012. godine, donijelo je

**PRAVILNIK
O IZGLEDU I NAČINU KORIŠTENJA ZNAKA
OZNAKE ORIGINALNOSTI, OZNAKE
GEOGRAFSKOG PORIJEKLA I OZNAKE
TRADICIONALNOG UGLEDA HRANE**

DIO PRVI - OPĆE ODREDBE

**Član 1.
(Predmet)**

Pravilnikom o izgledu i načinu korištenja znaka oznake originalnosti, oznake geografskog porijekla i oznake tradicionalnog ugleda hrane (u daljnjem tekstu: Pravilnik) propisuje se izgled i način korištenja znaka oznake originalnosti, oznake geografskog porijekla i oznake tradicionalnog ugleda prehrambenih proizvoda, te način izdavanja znaka.

**Član 2.
(Definicija)**

Znak oznake originalnosti, oznake geografskog porijekla i oznake tradicionalnog ugleda hrane (u daljnjem tekstu: znak) je znak kojim se vizuelno identifikira registrirana oznaka prehrambenog proizvoda koji je proizveden i registriran u skladu s Pravilnikom o oznakama originalnosti i oznakama geografskog porijekla hrane ("Službeni glasnik BiH", broj

27/10) i Pravilnikom o oznakama tradicionalnog ugleda hrane ("Službeni glasnik BiH", broj 27/10).

**Član 3.
(Označavanje)**

- (1) Prehrambeni proizvod proizveden i registriran u skladu s članom 2. ovog Pravilnika pri stavljanju na tržište mora biti označen pripadajućim znakom oznake propisanim ovim Pravilnikom.
- (2) Označavanje proizvoda znakom oznake obavlja proizvođač ili prerađivač, korisnik oznake registrovanog prehrambenog proizvoda.

**Član 4.
(Znak oznake originalnosti)**

- (1) Znak za oznaku originalnosti pravougonog je oblika te sastavljen od dva usporedna kvadrata. Kvadrat s lijeve strane tamnocrvene je boje i sadrži sljedeće sastavne elemente: pri vrhu u vodoravnoj liniji nalaze se tri zvjezdice, u sredini tekst: "ZAŠTIĆENA OZNAKA ORIGINALNOSTI", a na dnu tekst: "BOSNA I HERCEGOVINA AGENCIJA ZA SIGURNOST HRANE". Kvadrat s desne strane bijele je boje s tankom tamnocrvenom ivicom i sadrži centralno smješten tekst "OO". Tekst oznake ispisan je velikim štampanim slovima (verzal) u fontu *Times New Roman*.
- (2) Veličina znaka za reprodukciju na proizvodima sa oznakom originalnosti je: dužina 4 cm i širina 2 cm.
- (3) Detaljni grafički prikaz reprodukcije znaka oznake originalnosti štampan je u Knjizi grafičkih standarda koja se nalazi u Aneksu I., koji je sastavni dio ovog Pravilnika.

**Član 5.
(Znak oznake geografskog porijekla)**

- (1) Znak za oznaku geografskog porijekla pravougaonog je oblika i sastavljen je od dva usporedna kvadrata. Kvadrat s lijeve strane tamnoplave je boje i sadrži sljedeće sastavne elemente: pri vrhu u vodoravnoj liniji nalaze se dvije bijele zvjezdice, u sredini tekst: "ZAŠTIĆENA

OZNAKA GEOGRAFSKOG PORIJEKLA", a na dnu tekst: "BOSNA I HERCEGOVINA AGENCIJA ZA SIGURNOST HRANE". Kvadrat s desne strane bijele je boje s tankom tamnoplavom ivicom i sadrži centralno smješten tekst "OGP". Sav tekst oznake ispisan je velikim štampanim slovima (verzal) u fontu *Times New Roman*.

- (2) Veličina znaka dozvoljena za reprodukciju na proizvodima sa oznakom geografskog porijekla je: dužina 4 cm i širina 2 cm.
- (3) Detaljni grafički prikaz reprodukcije znaka oznake geografskog porijekla štampan je u Knjizi grafičkih standarda koja se nalazi u Aneksu I. ovog Pravilnika.

Član 6.

(Znak oznake tradicionalnog ugleda)

- (1) Znak za oznaku tradicionalnog ugleda pravougaonog je oblika i sastavljen je od dva usporedna kvadrata. Kvadrat s lijeve strane maslinaste je boje i sadrži sljedeće sastavne elemente: pri vrhu u vodoravnoj liniji nalazi se jedna bijela zvjezdica, u sredini tekst: "OZNAKA TRADICIONALNOG UGLEDA", a na dnu tekst "BOSNA I HERCEGOVINA AGENCIJA ZA SIGURNOST HRANE". Kvadrat s desne strane bijele je boje s tankom maslinastom ivicom i sadrži centralno smješten tekst "OTU". Sav tekst oznake ispisan je velikim štampanim slovima (verzal) u fontu *Times New Roman*.
- (2) Veličina znaka dozvoljena za reprodukciju na proizvodima sa oznakom tradicionalnog ugleda je: dužina 4 cm i širina 2 cm.
- (3) Detaljni grafički prikaz reprodukcije znaka za oznaku tradicionalnog ugleda štampan je u Knjizi grafičkih standarda koja se nalazi u Aneksu I. ovog Pravilnika.

Član 7.

(Štampanje znaka)

- (1) Znak se štampa na proizvod (ambalažu, etiketu, privjesnicu) i to tako da je vidljiv, čitljiv i neizbrisiv, na lako uočljivim mjestima.
- (2) Znak se štampa neizbrisivom bojom.

DIO DRUGI - NAČIN IZDAVANJA ZNAKA OZNAKE

Član 8.

(Način korištenja)

- (1) Svaki pojedini proizvođač ili preradivač, korisnik oznake koji zadovoljava uslove specifikacije proizvoda i koji posjeduje potvrdu o usklađenosti proizvoda s proizvođačkom specifikacijom podnosi pisani zahtjev za korištenje znaka certifikacijskom tijelu ili udruženju.
- (2) Obrazac zahtjeva iz stava (1) ovog člana nalazi se u Aneksu II., koji je sastavni dio ovog Pravilnika.

- (3) Certifikacijsko tijelo ili udruženje izdaje odobrenje za štampanje određenog broja znakova u skladu s podnesenim zahtjevom korisnika oznake iz stava (1) ovog člana.

- (4) Obrazac odobrenja iz stava (3) ovog člana nalazi se u Aneksu III., koji je sastavni dio ovog Pravilnika.

Član 9.

(Certifikacijsko tijelo)

- (1) Certifikacijsko tijelo ili udruženje koji izdaju odobrenje za štampanje znaka vode evidenciju o broju dodijeljenih znakova za ukupnu količinu proizvoda i/ili broj proizvoda za tržište, te broj i veličinu pakovanja za svakog pojedinog korisnika oznake.
- (2) Certifikacijsko tijelo koje izdaje odobrenje za štampanje znaka korisniku oznake mora biti isto certifikacijsko tijelo koje je provelo postupak utvrđivanja usklađenosti.
- (3) Certifikacijsko tijelo dužno je Agenciji za sigurnost hrane Bosne i Hercegovine (u daljnjem tekstu: Agencija) najkasnije u roku od 15 dana od izdavanja znaka dostaviti podatke iz evidencije iz stava (1) ovog člana.

Član 10.

(Udruženje)

- (1) Udruženje izdaje odobrenje za štampanje znaka i vodi evidenciju o dodijeljenim znakovima samo za članove udruženja.
- (2) Udruženje je dužno najkasnije u roku od 15 dana od izdavanja odobrenja za štampanje znaka dostaviti podatke iz evidencije iz člana 9. stava (1) ovog Pravilnika Agenciji i certifikacijskom tijelu.
- (3) Ako korisnik oznake nije član udruženja, izdavanje odobrenja za štampanje znaka i vođenje evidencije obavlja certifikacijsko tijelo iz člana 9. stav (2) ovog Pravilnika.

Član 11.

(Troškovi)

- (1) Troškove izdavanja odobrenja za štampanje znaka i štampanje znaka snosi korisnik oznake.
- (2) Troškovi izdavanja odobrenja iz člana 8. stava (3) ovog Pravilnika reguliraju se posebnim aktom.

Član 12.

(Stupanje na snagu)

Ovaj Pravilnik stupa na snagu osmog dana od dana objavljivanja u "Službenom glasniku BiH".

VM broj 152/12
12. juna 2012. godine
Sarajevo

Predsjedavajući
Vijeća ministara BiH
Vjekoslav Bevanda, s. r.

ANEKS 1**KNJIGA GRAFIČKIH STANDARDA ZA ZNAK OZNAKE ORIGINALNOSTI,
ZNAK OZNAKE GEOGRAFSKOG PORIJEKLA I ZNAK OZNAKE
TRADICIONALNOG UGLEDA****SADRŽAJ:**


KONSTRUKCIJA ZNAKA OZNAKE ORIGINALNOSTI	3
KONSTRUKCIJA ZNAKA OZNAKE GEOGRAFSKOG PORIJEKLA	7
KONSTRUKCIJA ZNAKA OZNAKE TRADICIONALNOG UGLEDA	11
ZNAKOVI OZNAKA U PRIRODNOJ VELIČINI I OSNOVNE UPUTE	16
PRAVILA REPRODUKCIJE ZNAKA OO – PRIMJERI	17
PRAVILA REPRODUKCIJE ZNAKA OGP – PRIMJERI	19
PRAVILA REPRODUKCIJE ZNAKA OTU – PRIMJERI	21





ZNAK OZNAKE ORIGINALNOSTI:

Font : Times New Roman;

OZNAKA IZVORNOSTI: bold; 5pt; W:100% i H:110%**BOSNA I HERCEGOVINA****AGENCIJA ZA SIGURNOST HRANE:** bold; 3pt; line 90% of char. height, W:105% i H:100%**OO:** font Arial Black 55pt uppercase, W: 118% i H: 245%, centrirano dijagonalama kvadrataPANTONE ®SOLID COATED SKALA- **PANTONE 207 C****Crno-bijela verzija OZNAKE ORIGINALNOSTI**


Crno-bijela verzija koristi se kada nije moguće štampati puni kolor, odnosno originalnu verziju.
Njegova primjena ograničena je isključivo na punu crnu boju: CMYK: C. 0 M. 0 Y. 0 K. 100.





**ZNAK OZNAKE GEOGRAFSKOG PORIJEKLA:**

Font : Times New Roman;

OZNAKA GEOGRAFSKOG PORIJEKLA: bold; 5pt; line: 90% of char. height, W:100% i H:110%**BOSNA I HERCEGOVINA****AGENCIJA ZA SIGURNOST HRANE:** bold; 3pt; line 90% of char. height, W:105% i H:100%**OGP: font Arial Black 55pt, uppercase, W: 33,5% i H: 105,5%, centirano dijagonalama kvadrata**PANTONE ®SOLID COATED SKALA- **PANTONE 293 C**

Crno-bijela verzija OZNAKE GEOGRAFSKOG PORIJEKLA


Crno-bijela verzija koristi se kada nije moguće štampati puni kolor, odnosno originalnu verziju.
Njegova primjena ograničena je na 60% crne boje: CMYK: C. 0 M. 0 Y. 0 K. 60.





ZNAK OZNAKE TRADICIONALNOG UGLEDA:

Font: Times New Roman;

OZNAKA TRADICIONALNOG UGLEDA: bold; 5pt; line: 90% of char. height, W:100% i H:110%**BOSNA I HERCEGOVINA****AGENCIJA ZA SIGURNOST HRANE:** bold; 3pt; line 90% of char. height, W:105% i H:100%**OTU:** font **Arial Black 55pt, uppercase, W: 33,5% i H: 105,5%, centirano dijagonalama kvadrata**PANTONE ®SOLID COATED SKALA- **PANTONE 7489 C****Crno-bijela verzija OZNAKE TRADICIONALNOG UGLEDA**

Crno-bijela verzija koristi se kada nije moguće štampati puni kolor, odnosno originalnu verziju.

Njegova primjena ograničena je na 30% crne boje: CMYK: C. 0 M. 0 Y. 0 K. 30.

Naslov ZAŠTIĆENA OZNAKA TRADICIONALNOG UGLEDA i BOSNA I HERCEGOVINA AGENCIJA ZA SIGURNOST HRANE primjenjuju se u punoj crnoj boji: CMYK: C. 0 M. 0 Y. 0 K. 100.





ZNAKOVI OZNAKE ORIGINALNOSTI, GEOGRAFSKOG PORijekLA I TRADICIONALNOG UGLEDA REPRODUCIRAJU SE ISKLJUČIVO U **DUŽINI OD 4 CM I ŠIRINI OD 2 CM**. OSTALE VELIČINE I VARIJACIJE NISU DOZVOLJENE ZA UPOTREBU NA OZNAČENIM PROIZVODIMA.

S LIJEVE STRANE PRIKAZANE SU ZNAKOV I OZNAKA U SVOJOJ PRIRODNOJ VELIČINI ZA OTISAK NA PROIZVOD. TANKI BIJELI OBRUB DOZVOLJEN JE U ŠTAMPI UKOLIKO POBOLJŠAVA VIZUALNU PREPOZNATLJIVOST NA POZADINI PROIZVODA, ALI SE NE UKLJUČUJE U ODREĐIVANJE VELIČINE ZNAKA OZNAKE I NE SMIJE PRELAZITI VIŠE OD 1,5 mm ŠIRINE.



RAZVLAČENJE ZNAKA - NIJE DOZVOLJENO!

PRIMJERI NEDOZVOLJENE REPRODUKCIJE ZNAKA



SUŽAVANJE ZNAKA - NIJE DOZVOLJENO!



**SJENČENJE ZNAKA - NIJE DOZVOLJENO!
(NIKAKVI DRUGI EFEKTI NISU DOZVOLJENI)**



IZREZIVANJE/CROPOVANJE ZNAKA - NIJE DOZVOLJENO!



PRIMJERI NEDOZVOLJENE REPRODUKCIJE ZNAKA



**RAZVLAČENJE ZNAKA - NIJE DOZVOLJENO!****PRIMJERI NEDOZVOLJENE REPRODUKCIJE ZNAKA****SUŽAVANJE ZNAKA - NIJE DOZVOLJENO!****SJENČENJE ZNAKA - NIJE DOZVOLJENO!
(NIKAKVI DRUGI EFEKTI NISU DOZVOLJENI)****IZREZIVANJE/CROPOVANJE ZNAKA - NIJE DOZVOLJENO!**

ANEKS II.**ZAHTJEV ZA KORIŠTENJE ZNAKA OZNAKE***Popunjava podnosilac zahtjeva***1. PODACI O PODNOSIOCU ZAHTJEVA:**

Naziv podnosioca zahtjeva	
Adresa podnosioca zahtjeva	
Broj telefona, faks, e-mail	
Pravni status	
Ime i prezime odgovornog lica	
BPG/ JIB/ MATIČNI BROJ pravnog ili fizičkog lica *	

* traženi broj upisati zavisno od statusa

2. NAZIV PREHRAMBENOG PROIZVODA:

3. KATEGORIJA PROIZVODA (za oznake originalnosti i oznake geografskog porijekla u skladu s Aneksom I. Pravilnika o oznakama originalnosti i oznakama geografskog porijekla hrane ("Službeni glasnik BiH", broj 27/10), te za oznake tradicionalnog ugleda u skladu s Aneksom II. Pravilnika o oznakama tradicionalnog ugleda hrane ("Službeni glasnik BiH", broj 27/10):

4. OZNAKA PROIZVODA:(označiti oznaku koja je registrirana – staviti križić ☐)☐ oznaka originalnosti☐ oznaka geografskog porijekla☐ oznaka tradicionalnog ugleda**5. CERTIFIKACIJSKO TIJELO:**

Naziv certifikacijskog tijela	
Adresa	
Broj telefona	
e-mail adresa certifikacijskog tijela	

6. UKUPNA KOLIČINA PROIZVODA I/ILI BROJ PROIZVODA ZA TRŽIŠTE TE BROJ I VELIČINA PAKOVANJA:

Ukupna količina certificiranog proizvoda	
Vrsta pakovanja	
Neto količina ili količina punjenja prehrambenog proizvoda izražena brojčanom vrijednošću i zakonitom jedinicom fizikalne veličine (u slučaju tekućina litra – L ili l, u slučaju drugih proizvoda u jedinicama mase – kg ili g)	
Broj zatraženih znakova	

7. PRILOZI UZ ZAHTEJEV:

Staviti križić	Dokumentacija
x	
	Rješenje o upisu korisnika registrirane oznake originalnosti, registrirane oznake geografskog porijekla ili registrirane oznake tradicionalnog ugleda.
	Potvrda o usklađenosti sa specifikacijom proizvoda (u kojoj su navedene količine uklađenog proizvoda).

Datum podnošenja zahtjeva:

Potpis podnosioca zahtjeva:

ANEKS III.**ODOBRENJE ZA ŠTAMPANJE ZNAKA OZNAKE**

Certifikacijsko tijelo/udruženje:

Naziv:

Adresa:

Telefon:

Na osnovu zahtjeva za korištenje znaka oznake od strane podnosioca zahtjeva

Naziv podnosioca zahtjeva	
Adresa podnosioca zahtjeva	
Broj telefona, faks, e-mail	
Pravni status	
Ime i prezime odgovornog lica	
BPG/ JIB/ MATIČNI BROJ pravnog ili fizičkog lica *	

* traženi broj upisati zavisno od statusa

Odobrava štampanje znaka kako slijedi:

Naziv proizvoda	
Kategorija proizvoda	
Oznaka proizvoda	
Ukupna količina certificiranog proizvoda	
Vrsta pakovanja	
Neto količina ili količina punjenja prehrambenog proizvoda izražena brojčanom vrijednošću i zakonitom jedinicom fizikalne veličine (u slučaju tekućina litra – L ili l, u slučaju drugih proizvoda u jedinicama mase – kg ili g)	
Broj ukupno odobrenih znakova	

Datum izdavanja odobrenja:

Potpis odgovornog lica: